

U Cervu Corsu

Sogu u cervu, u cervu corsu, l'animaleddu sbanditu ...
U culombu, la me morti, laca u corvu ammuntulitu ...
Mai più u mi visticarè, o crudeli cacciadori ...
Da Capicorsu à Pumonti, maladettu vincitori ...

Sogu u cervu, u cervu corsu chi si n'inveni di l'aresta
Di la friscura, lu boscu quandi Austu faci festa ...
Indi sè, la me faieta, sbucciata à middi maglioli
Lu me verdu puntiddonu, colmu à paci muntagnola ...

L'altora si hà spizzicatu, i me carri varmicosi ...
Ma ribomba la me chjama in li lamenti vintosi ...
La surgenti sarà sicca è l'acquaccia tricaticcia
Turrarà lu biitoghju in una nera fanganiccia ...

O corsu, fiddolu d'oghji, lu me sirvonu sfidatu ...
Arimitu da lu soldu, di la mufra chi n'ai fattu ...
Eiu ùn temu ghjacariccia, nè piumbu nè caccia mossu
Ti facciu per sempiternu a lasciati'lli me ossa ...

Tù chi và l'anima incheta, eiu sogu un agrunditoghju ...
S'è tù ci scontri l'arietta, ti purtarà lu me mogju ...
Lu me schiletru bianchicciu chi si dissicca in la machjetta
Finch'un falcu ghjunghjiticciu ni sumenghja la pruneta ...

Voddu cù l'antichi Corsi, movamini in Paradisu ...
A bramà per tempu eternu ... Signureddu à lu to visu ...
Quandu l'ultima fuchera s'avarà tusu li monti Bis
Quandu u primu sulioni s'avarà spintu li fonti ...